

曠侶同作幽憂行其門纔函丈初若盤薄硯洞氣黑眈  
眈苔髮紅鬢鬢試足值坎窞低頭避崢嶸攀緣不知倦  
怪異焉敢驚匍匐一百步稍稍策可橫忽然白蝙蝠來  
撲松炬明人語散瀕洞石響高玲瓏脚底龍蛇氣頭上  
波濤聲有時若服匿偈及如見繡俄爾造平澹豁然逢  
光晶金堂似鑄出玉座如琢成前有方丈沼凝碧融人  
情雲漿湛不動瑠露涵而馨漱之恐減算勺之必延齡  
愁爲三官責不敢攜一瓢昔云夏后氏於此藏真經刻  
之以紫琳秘之以丹瓊期之以萬祀守之以百靈焉得  
彼丈人竊之不加刑石置一以出左神俄不局禹書旣  
云得吳國由是傾蘚縫纔半尺中有怪物腥欲去旣嘆